

豐城縣志卷二十四

雜說

共七十八條

黃舜舉秋日渡江詩云。鴈落平沙一雨收。淡煙斜月荻花洲。憑誰與作王摩詰。為寫江南水墨秋。江南山水只供愁。紫蓼黃蘆滿岸秋。斜日半邊歸騎晚。一聲漁笛過滄洲。又惜春詩曰。修竹疎籬夕照斜。山環流水兩三家。春歸欲覓渾無路。把酒憑君問落花。綠陰滿岸杜鵑啼。落盡殘紅蝶倦飛。我欲畱春春不住。半隨風雨五更歸。殊婉惻有風致。舊志

豐城縣志

卷二十四

雜說

曾元明光嘗撰淮西從軍跋記。妮妮數百言。精義偉詞。意標象外。又牽衣亭詩。如當時手足。真情義。畱在孤亭草色鮮。亦清娟可誦。刪訂原文

孫奇與祖發叔。褒號三孫先生。陳北山。膚仲序三孫詩集云。考三先生皆篤學博洽。而不顯其稍達者。不過邑宰。然見於政事。已卓卓可觀。今玩其詩趣。蓋江西之流派。不肯道人所常道。舊志

黃尚書疇。若宰廬陵。周益公楊誠齋。全在籍疇。若以文謁之。益公稱曰。用意高遠。屬辭清新。摹寫物象。莫能道形。誠齋題其詩卷云。句法何曾問外人。單傳山谷當家春。



舊志

徐深甫璿嘗著美芹策欲獻於朝吏部見之曰策甚奇然子骨寒不宜求仕遂不果上

舊志

後村劉克莊序李義山集云後林詩如三春花卉紅紅白白不以剪綵刻楮爲巧如大將旗鼓堂堂正正不以翹關挾輦爲勇清絕如揮王謝之塵尾正大如坐關洛之

臯比

舊志

姚雪坡鄒夫人墓誌銘云梅莊夫人鄒氏諱妙莊字美文豐城鄒舍人春谷先生一龍之女知武岡縣李侯恕已之外孫癸丑進士第一秘書省正字高安姚勉之妻元

豐城縣志

卷三十四

雜說

二

夫之母也紹定庚寅六月辛酉朔生寶祐丙辰二月丁丑歸丁巳三月丙午歿戊午三月壬辰葬在鄒舍當溪姊竹堂夫人之墓左竹堂勉先妻妹繼也嗚呼千秋萬古後陵谷易位或此石出見者其曰此古賢女也是嘗勸其夫以諫去官者尙掩之勉識

舊志

源嶺圍地近清江昔朱子訪張洽過此悅其林壑秀美谿澗滌洞因就民家索筆書源頭活水四字於板而去筆法遒勁至今寶之

刪訂原文

熊天慵子朋來嘗作前後二瑟賦前瑟賦序有云嘗嘆嵇叔夜賦琴鋪張窈窕然前四百餘字僅言桐幾若博士



驢券其絃古遺周孔列鹿鳴於荆秦巴曲之下廣陵東  
武之末有感於余心余以瑟雖風雅好與俗違因爲瑟  
賦舊志

天慵子咏鐵柱宮井鐵柱云九牧失貢金司空不行水蛟  
龍弄波濤魑魅入城市吁嗟清談者萬事謾不理遂令  
千載人稽首旌陽子正言反應詞簡意高舊志

揭車字子舟學士溪斯從孫生平慷慨有擔負富州淘金  
久爲民累車再三鳴之當事始獲蠲詩才亦著名鄉國  
柳道傳作查廣居墓表謂當時詩名與廣居上下頡頏  
而余最善者危素大樸王漸元翰揭車子舟四人爲江

豐城縣志

卷二十四

雜說

三

右後來之秀惜其集不傳刪訂原文

洪武中黃德文構杏陰小隱朱善記云豫章郡庠東有杏  
村中多隱君子昔有陳先生仲易以經學作學者指南  
而黃氏昆季伯善仲美復爲貴游重皆豐產也伯善棄  
世其子文德乃闢一室曰杏陰小隱舊志

洪武庚戌詔以八月開鄉試明年二月禮部會試所試文  
尙仍元制至甲子定科舉程式大學士朱善爲待詔命  
主乙丑會試得黃公子澄練公子寧靖難兵起二公皆  
以忠節著舊志

江西通志載朱善於洪武初年廷試第一郡志亦然陸文



裕外集紀太祖開科事詳辨之今據明史本傳云洪武八年廷對第一授修撰特屬召試未開科耳且其官階於洪武十八年擢文淵閣大學士但洪武初丞相以李善長胡惟庸爲之後胡入叛黨遂廢丞相事歸六部而大學士已備相體是江西進閣學者實自善始

舊志

朱閣學述神記善官修撰時東官命編春秋諸國本末已完未進適以事忤旨下詔獄偶病瘍劇甚醫方進藥令寢而伏受之恍惚覩神人執春秋一卷曰此子所編書與予對讀一日之間醫換藥者三神授書者三遂愈自紀其事曰斯神也蓋在我四體之中而統攝乎四體者

豐城縣志

卷二十四

雜說

四

卽此亦可覘其正心之學云

刪訂原文

釋來復送李宗遠歸廣東詩云三山木落雁啼霜虎踞關頭買小航明日相思望南斗水流不盡楚天長又云太平身退更何憂歸老南山問故坵一色梅花三萬樹夜和明月醉羅浮又云聞說高侯氣膽狂校詩多在白雲窻秋來柳子甘如蜜寄我須緘五百雙又云鸚鵡杯深泛紫霞風涼渾訝謫仙家錦袍畱客催春燕開遍東園荳蔻花胸次瀟灑出塵溢爲詩章類如此後因謝高皇賜食詩云琪園花雨曉吹香手挽袈裟近御床闕下彩雲生雉尾座中紅第動龍光金盤蘇合來殊域玉盃醜



酬出上方稠疊濫承天上賜自慚無德頌陶唐上見詩  
大怒曰汝詩用殊字謂我爲歹朱也又言無德頌陶唐  
是謂朕無德雖欲以陶唐頌而不能也遂殺之來復乃  
鼻垂玉筋於丹墀之下

舊志

東里楊文貞跋揭文安集云嘗見公文集刻本有二考之  
皆爲授經郎以前所作余家所錄文二冊傳於蔣立恭  
家比聞僧錄溥洽有公文字十冊詢之已失其一所存  
九冊其徒持歸四明不及見元史揭公傳載公上太平  
政要四十九策而無其文凡余見公文集數本皆然獨  
此本舊錄於蔣立恭家者有之固當爲善本也

刪訂

豐城縣志

卷二十四

雜說

五

前明時邑科第甲江右一科兩解凡再見嘉靖壬子李貴  
本省解元孫溥應天解元萬曆乙酉熊尙文本省解元  
蕭重望貴州解元

舊志

邑人鄭溫以松陵驛丞中正統辛酉順天榜明年壬戌登  
進士徐清亦以驛丞中丁卯山東榜末秩而獵科名亦  
從來所僅見者

刪訂原文

李頰中鄉試第九名父材伯棻皆鄉試第九而棻與頰前  
後俱以丙午中式事尤奇

舊志

萬曆乙酉邑令吳達可集諸生決科熊司空尙文時爲諸  
生與焉臨文構思踰時稿未脫令擲掄之曰若亦欲與



試乎司空笑曰生不去誰當元者令曰若獲雉吾卽備禮詣龍山迓汝矣聞報果元尹曰士之不可輕如此是科豐雋十三人雷郎中映中順天榜李推官景春中應天榜蕭御史重望又奪貴州解其以本籍中者尙十人尹聞其歸具花紅酒禮十副至龍山迓之揖曰禮賢令分內事繼此賢令諒踵行之以示鼓舞後遂沿爲故事終明世無或改者

舊志

郭中允希顏在京邸其子與隣爭墻數寄書言其事中允付一札云紙紙書來只爲墻讓他幾尺有何妨長城原是秦王築今見長城那見王鄰人疑其致書當事要於

豐城縣志

卷二十四

雜說

六

途奪之見詩慚服遂釋爭

舊志

李襄敏遂嘗飲相嵩第嵩子世蕃醉呼狎客爲馬而騎之周行庭中爲戲狎客貴臣也公鄙其人叱之世蕃捋公鬚曰共爲樂耳何嗔爲公復叱世蕃拂衣起無何竟以

事中公

舊志

世宗政暇使侍臣各道邑里人物及豐城大宗伯李璣應聲曰鄉有長安長樂里有鳳舞鸞歌人有張華雷煥物有龍泉太阿世宗嘉其敏括

舊志

碣石剩談云李家宰裕爲諸生春月偶至外家會婦翁病疫臥床夢數鬼私曰明日吏部尙書至吾曹盍避之一



鬼曰試潛廚下空罈中可也翁覺而異之次早李候病翁延入臥內求書吏部尚書封條數紙李愕然辭力強之如命書就令將廚下空罈重重封訖拋棄野間翁疾遂若失後李果登景泰甲戌進士成化中仕至吏部尚書

舊志

鄧將軍武橋少遊宜春瑞牛山迷路忽聞崖巔有嗽聲往視見一道人坐石上龐眉皓首杖掛蒲麻問訊畢出蒲飯指石罈流泉飲食之隨授以拳經陣圖六甲經世書誠勿洩叩姓名翁曰予廣冲黃道人欲復問忽失所在武橋自是方可舉鼎一日祈夢玉笥山夢神於掌書邱

豐城縣志

卷三十四

雜說

七

分二字解者謂將來掌握兵刀之兆乃知一代名將固有神人左右之不獨圯上老人已也

舊志

武橋戰功頗類岳武穆其詩篇石刻亦然登飛山云南來倚劍上岵巖兩眼烽煙坐裏銷神器自知無鬼蜮嫖姚何處有天驕岩飛瀑氣披深洞風送鐘聲下遠苗西望六百八十穴我欲一掃歸天朝過大幽山金雞橋云短甲輕兵入武鄉西風吹骨鏃衣涼大幽山下無情水笑問金雞舊戰場萬松嶺風雨催軍行云應憐西事懸民膜長呼鏃甲燈前著三程兩程日夜行千山萬山風雨惡不妨夷鼓地下來自將軍天上落百戰紅塵社稷



安一怒乾坤星斗錯歸來烹象飲天河何代英雄無衛  
霍李見羅宅題梅云蕊如銀幹如鐵一點丹心紅似血  
不與秦李爭春風撐拄乾坤傲霜雪遊西湖弔岳墳云  
西湖弔古漫天雪寒煙野樹添愁切諸葛雖生蜀亦亡  
將軍不死宋還滅元氣神炁掃地衰雕甍大廈邱山裂  
年年三月桃花紅六橋長照英雄血

舊志

雲南三宣慰諸苗反劉少保偕鄧武橋平之縱兵窮追深  
箐中獲一巨碑鐫大刀平彝四字漢武侯記也武橋雅  
自負謂何以不能知子龍語畢而石裂中復有碑橫列  
副將鄧子龍五大字其下凡從征偏裨弁目莫不有名

豐城縣志

卷二十四

雜說

八

而獨遺中軍陳貴時諸與名者人人自榮頌武侯神明  
貴獨却立俛首其部卒怒推石仆之所仆石中又脫出  
一小碑文云陳貴奮力推碑

龔少保雜記

李憲副貴幼穎異年十四詠雪有粧成玉樹三更雨老盡

青山一夜風之句

摘本傳

雍正間邑郭甘氏塾有狐崇多移置人物葛檢討怡然方  
幼在塾器物經其手者輒兀然不動又嘗值邑市火徽  
人汪店遭燬遺金爲家人所拾怡然遽令還之其公正  
如此晚膺榮遇洵非偶然

摘本傳

陸廉憲應川初令吳試童子得又湛持卷年僅十二欲拔



以冠軍吳士夫少之置第二曰文生年雖少異才也他  
日當大魁天下壬戌殿試湛持果第一世服其藻鑑摘  
本傳

涂方伯且父觀伯謙兄昇俱以名進士居顯位成化庚子  
鄉試有浮薄造蜚語謂且必中第八名及拆卷果然監  
臨御史段正疑而黜之癸卯復中第八諸君在場知庚  
子事者撫掌稱快以爲數有前定舊志

龍光書院志云寶劍旣掘匣猶在池明嘉靖間大旱里人  
舊傳掘匣卽雨於是衆禱張雷祠卽起池土果見一匣  
底蓋相合如故因取蓋上岸忽雷作風雨驟至頃刻泥

豐城縣志

卷二十四

雜說

九

沙擁穴不敢復取後蓋徙儒學明倫堂

刪訂原文

唐宗伯大章父良臣家居有杜姓者貸銀五十兩後歷仕  
三十餘載未嘗問歸偶出郊猝相值佯醉詈公公笑而  
去戒僕曰歸毋語諸郎君恐送官累受敲扑越數月詈  
者以鬪毆殺人繫獄公復命家人贈以日食資其人愧  
悔再三流涕不止又除夜有隣人盜藏屋僻處公時已  
年高受封猶巡門戶見之不驚俟家人睡熟揖而出之  
取酒對酌復遺以金隣感德改行家遂小康舊志

林淦字濟舟爲豐城尉善詩途中卽事云十里楓林百里  
桑吳頭楚尾事茫茫驅車更向古城下枳殼有花山路



香 刪訂原文

邑斗門廟有神曰陶九舍人每附人言禍福奇中鄉先達甚敬信之桃源令甘公勳卜科名則曰桃源三日令姚涑榜中人後勳果登姚涑榜進士出宰桃源抵任三日暴卒又范太宗伯謙父慶卜居則曰莫道此間無地脉他年仍作桂山坊桂山坊者為楊太宗伯廉父崇立也後謙官爵贈諡悉與廉同如此類者甚多始錄其一二近百年來遂不復著靈異

舊志

龍洲志曰古讖云倒地貪狼局船車多獲福若要狀元生此地多反覆又云龍洲不相連豐城出地仙龍洲若相

豐城縣志

卷二十四

雜說

十

連豐城出狀元永樂廷試初取豐城孫曰恭第一嫌其名近暴字曰孫暴不如邢寬改置第三恨三洲之未接致一字之差訛曰恭所由興嘆

舊志

滁州錢副使山字靜夫成化丙戌進士擢御史陞江西僉事行部豐城會大水民饑山不俟請即發倉粟賑之全活甚眾

舊志

邑管氏女適臨川劉達後達仕至御史聞兵至管被執厲罵寸傷而死子年十三并殉達痛婦子俱亡不踰月亦卒

舊志

懸榻編云豐城楊氏女歸李氏子為婦譚兵圍南昌婦為



小校王某所得校山東人故有妻婦曲意事之甚見暱  
已生一子矣居無何校家漸落從軍去婦詭語妻曰生  
事蕭條恨不身生羽翼妻曰何也婦曰妾故夫先世遺  
貲厚曾以金珠數斛瘞密室今夫死妾擄室皆燼重貲  
埋沒使得徙而之此何患不富乎但非妾親行不可必  
易服往還且數月而此呱呱何堪久擲妻大喜曰第行  
耳若子吾自撫之乃釋笄薙辮靴袴腰刀從兩健兒躍  
馬而南渡章江去家數十里止逆旅以醇酒飲兩健兒  
皆醉夜潛起駢馘之馳至里以策搥家門歇馬中堂坐  
索故夫夫出匍匐不敢仰視婦趨前抱曰妾非他乃君

被掠婦楊氏也具述其易粧巧脫狀縣官爲給牒獎許  
紳士歌詩美之曰奇女子云

舊志

南州黃壁以筆墨擅名非其人雖餽以百金不苟作偶寓  
於邑之大正法寺獨重僧如初戒律精嚴爲畫三大士  
於壁併作偈自書邑令高岑歎爲三絕其偈云佛說三  
大士圓通叵思議惟今像教行菩薩宜現示我於阿蘭  
若水墨聊遊戲勿拘儒釋道只將粗淺譬西竺古先生  
以覺覺羣迷凡我人中人見相宜省思云何大勢至吼  
動風雲隨猶天際會去乘時以設施念佛往生衆接引  
登蓮池曼殊室利尊經去表初智孩嬰象帝先草服古



翦製不二法門法天華墜如意行願大普賢顛毛何種  
種洗象象愈白貝多猶誦捧竭力致其身仁不違食頃  
此相若云實誰會見真確若謂非實相披纓跨毛角曰  
空諸所有塔廟何須作都去生西方東南北空著若皆  
滅度盡世界頓蕭索究竟世出世要言祈領畧儒爲君  
子儒仁義文禮樂富貴豈希奇在不負所學釋燈無盡  
藏苦寂安忍弱棒喝頓悟宗經律漫掃却大道貴清淨  
無爲事寥廓服食求神仙旁門悞丹藥修己以俟命解  
脫真極樂敬信增福田行善莫作惡應作如是觀無上  
正等覺

舊志

豐城縣志

卷二十四

雜說

十二

栢山有金牛塘約廣二三里泥深沒膝相傳內有金牛爲  
七公真人所制伏康熙間獵者試鏡塘側倏天地昏黑  
風雷交作金光閃鑠中現一牛大如屋良久沒水暴漲  
淤樂安田二十餘畝

舊志

石鼓嶺在栢山側有石如鼓叩之震林木旁有邃岩洞徑  
窄暗鞠躬乃可入抵內豁然明敞石空穹若室上列三  
台儼神座座前岩水下滴涓涓不絕西上石孔外透天  
光遙望滄河如帶歲旱擊鼓祈禱輒應

舊志

蔣家樓南門有神魚井清冽甘美魚大小以百計游泳狎  
人遇風雨飛躍數丈金鱗炫日尾有火光若閃電數百



年居民汲飲無敢鈞取者 舊志

富水之東二十里舊傳八景曰鍾山勝境曰斗門福地曰高陂瀑水曰挈井清泉曰冀岩朝暉曰鄆山暮紫曰檀溪綠柳曰杉埂芙蓉 舊志

馬非力家康熙辛丑九月十二日牀下忽吐白氣發火光如毬物遇之不焦自是屢見冬夜現無數矮人最大者三長五寸許一乘麒麟一乘羊一乘兔皆金冠錦衣面如傅粉隨從以數百計少頃復入牀下非力長孫女年十一暨傭奴十一二歲者見之次夜復出漸長一二尺許由夜而日由房而堂旋繞不已遇日光所射則無踪

豐城縣志

卷二十四

雜說

十三

行至無日處仍見壬寅元宵女語以迎燈俄見馬字燈籠前導者二凡火樹銀花魚龍鳥獸諸燈畢具又一日語以演戲俄見搭臺抬箱至演白兔綵樓非力憂其久不去因囑孫女詢禍福女如教問禍則搖手問福則點頭因祀以酒筵列坐食畢而散又屢禱小兒中出門外市果餌與小女子食久之三人僅存其二謂其一已投胎去一日忽見一白鬚老人手驅之入地女呼復出搖手示勿復呼由是遂絕 舊志

雍正元年暮春朔日方中北港洲李慶瑞家雨紅雨隔舍則否凡庭前之缶盎皆滿其色如硃越宿上澄清水下



凝赤不散族隣聚觀咸異之家業頓起 舊志

贅園甘綸家有小怪嘗於所攤衣上書紅圈兼能攝錢物人詬之復從空中擲還以爲戲有勸綸延道士者綸曰無庸古不有見怪而不怪者乎久之怪自絕綸性鎮靜業岐黃術以養親俾弟紱得肆力於學年未三十喪妻不再娶白首與弟同居無違言王尹履仁周學訓尙中暨本邑士夫多作詩文以贈 舊志

癸亥夏四月大饑邑東南五十里淖塘出土民掘取作食時有謠云一鋤荷去力如綿幾處倚門眼欲穿不是淖塘別有土誰憐比屋半無煙又雛鳥嗷嗷待母哺鄉城

豐城縣志

卷二十四

雜說

十四

顆粒貴如珠。監門寂坐偏無恙。不許流民自繪圖。 舊志

迴坑在四坊四十四都嘉慶癸亥歲大荒出土細膩取以和米可食俗謂觀音土里人不忍沒其迹建祠祀之 舊志

瑞峯山在四坊四十三都周迴數十里層巒疊嶂樹木叢密雍正間猛虎噬人行者指爲畏途寺僧照方訴于官給文資往龍虎山求符牒焚之患遂絕縣尹羅嘉其事給匾曰安禪伏虎張真人給以匾曰慧眼慈心 舊志

袁黝業南雍友人莆田林照卒惟幼子檣在側窘甚黝捐貲代殯遣已僕與檣扶柩歸後檣登進士以戶曹左遷



潯陽推官勳官常德陞南都道潯陽卒檣復代殯護送  
至家人謂厚德之報 摘本傳

曹循昌號石霞楚黃亭州人崇禎癸未進士甲申國變隱  
於黃冠閒遊抵豐訪同年史龍門太史劉隆初行人遇  
李亭叔異而款之因數相往來李門對梅峯曹得句云  
二人相對說梅峯他日還期一過從漠漠白雲渾是夢  
松陰深處有行蹤越二十餘載李病足夢曹至示謁梅  
仙可愈且自述以生平忠介棲神山趾分廟祀李如言  
往謁於山半小祠恍有所見足頓瘳而松陰行蹤之句  
果驗 從寓賢移入

豐城縣志

卷二十四

雜說

十五

楊介如字固卿邑人宋開禧間薄遊諸邊獻策不售遂棄  
家主清江相堂觀一日諸文士集觀唱酬介如蓬髮垢  
衣坐其側旬至介如朗吟日酒量春吞海詩肩夜聳山  
座皆驚服後入閤阜山著隱居詩集 刪訂原文

洞明感山寺僧精戒律重興古刹寺旁萬木森翳數十年  
無敢刈者後薛令景瑩不喜僧感山松竹多被戕伐一  
日令署降此題云明月前川照洞中人已遙秋花風裏  
落秋葉雨中飄僧洞明稽首懇祈護持山門餘不饒舌  
薛令使人偵之已歸寂半月迺爲嚴禁採樵者 刪訂原文  
范可羣成槎村人幼曉果善技擊順治間隨施觀察愚山



征土寇有功署遊府旋去官隱都門寺中自號成老道人乾隆五十年族子某謁選入京聞寺有異人知休咎往叩之初不答少頃睜視曰汝非豐城范某耶吾與汝有桑梓誼因具述本末隨質以所作文屏弗視而品騭悉當族子勸之歸不從復諷以他徙曰姑徐之吾塵劫未滿計其年則生明天啟乙丑距遇族子時已百有七十九歲

日邊涉筆

鄒福富州農家子幼粗明句讀以貧傭揭學士後斯家隨至京師每入直令福守舍福乃盡日閉門讀書習字閒爲小詩抵暮則質可否於學士久之所作漸可觀學士

豐城縣志

卷二十四

雜說

十六

遴其尤者七首爲書之題其後

揭文安集

李肖翁教授遼陽而葦席作障因作葦齋記吳草廬題其後有云莊有蘧廬語蘧從草注釋爲草屋考字書疑傳寫悞惟易草從竹厥名蘧蘧蘧葦也肖翁齋正與相類今葦齋記原文無從覓識此見名人題跋非特足闡幽微益徵學者讀書貴能求間

吳草廬集

丁開明夢陽性穎慧七齡卽能詩嘗題齋壁云月挂青霄富貴人歸畫省光華穠艷翻塔芍藥清香出水荷花一時老宿以其翻用富貴光華字目爲奇才

摘本傳

宋司諫陳瑩中瓘以諫謫合浦沈江黃彥輔以書慰之瓘



答曰長沙問鵬不如忠州論藥三復來示吾無間然彥  
輔嘗在京師樊樓酒酣賦月詞十篇以望江南譜之在  
歌擊節都人觀者詫爲謫仙墮世明日詞聞禁中 摘本  
傳

角陂徐光伯爲慈利簿有廉名任滿口占云來時一行李  
歸時一行李俸外無一金不愧蘭江水 摘本傳

邱宗伯士毅少游學丹陽旅次疾劇一夕夢縣宰來謁親  
爲撫摩自頂及踵明日疾良已及謁城隍祠覩神像儼  
然夢中所見後登進士入翰林官少詹禮侍崇禎初起  
用賦詩云豈有纖埃裨廟略差無半刺問權璫 池北偶  
談

豐城縣志

卷二十四

雜說

十七

雍正丙午鄉試邑人士叩紫姑仙問豐邑解名乩示曰邑  
中幾人赴鹿鳴解元一半在豐城三五不是黃閣子一  
點靈光照一名榜發額中百四名解首丁與五十二名  
黃君祿應解元一半字十五名蔡元浣應三五字佛書  
有黃閣守定之語隱藏定名至靈光獨照當時謂四人  
中將有一遠到者今事迄五十餘載三公早下世惟定  
天假之年巖居養素豈靈光所照乃在斯乎老而力學  
亦有冥植豈非厚幸哉 袁守定說雲詩鈔小序

豐城乾隆十年大旱農民求雨者數十村忽有異僧赤體  
跣足日食松毛自稱禱雨必驗但得楊維韜至則雨可



立得然於彼微有不利維韜聞之慨然曰以一人而活數十村之命吾何惜焉竟往大雨如注僧亦不見是歲有秋後果患痢甚劇夢中見異僧投以藥丸翼日霍然而起後閱二十餘年乃沒沒之日異香繞室

采府志補

慈谿丞黃禎門樓人嘉靖間攝令篆拔姚涑冠童試姚年少未知名眾皆譁然禎批示曰姚涑非慈谿之姚涑乃天下之姚涑也後果魁大廷歷顯秩

新增

蔣布衣蟒蔣家樓人性狷潔硜硜自喜苦吟詩著雪牕詩

冷四卷集古詩八卷年八十餘卒自題墓碣曰泉臺之

下詩人蔣蟒空山無伴花放水流

新增

豐城縣志

卷二十四

雜說

十八

李右司義山嘗以江東提刑守池州聞鄂渚被圍預加浚築言者劾罷之後復敍官主管玉局觀趙次山官隆興賀以啟有直指衣繡允藉威名曲突徙薪竟無恩澤李回啟有云鑿斯池築斯城類無具甚鍛乃戈峙乃榦尙竊遲之義山納次山之姪爲壻大合樂以宴次山謝之曰大齊非偶肯從鄭國之婚小阮差賢榮附晉林之飲又曰孔雀屏芙蓉褥盛開李監之門闌鸕鷀杓鸚鵡杯爛醉翰林之風月結云行行解纜擬朝飛南浦之雲望望倚樓但夜看豐城之氣

儒林公議

故明一代豐草澤多詩人吳世鳴錕孫奉符開其最著者



吳月夜有懷云一水美人隔孤舟獨客愁楚雲飛欲盡  
殘月下西樓又咏李夫人云昆靈池上木蘭舟落葉哀  
蟬總是愁惆悵美人難再得因誰問取玉搔頭二詩風  
味頗近摩詰龍標至雷儒士邦佐胡儀賓璉陸太學應  
箕雷太學相陸太學于磐李茂才枝徐茂才鏊黃布衣  
堅熊布衣叔誠湯布衣九成等詩錄斗間寶氣集蓋亦  
一時風雅之士今士夫罕能舉其名新增

馬半壑以畫掩詩名實則詩優於畫送友之廬州云君到  
春花爛君歸大火流孤帆飛漢水六月下廬州野樹高  
含兩山城迥入秋武昌魚總美慎勿久淹留又如三年

豐城縣志

卷三十四

雜說

十九

居是客一雨暑無權雲遮半嶺樹犬臥一籬花俱不愧  
古作者

鄒守常崇禎間官常熟知縣署崑山有清節御下過嚴吏  
沒賊懼覺密謀置斑貓茶中常飲暴卒停榿寺中鄱陽  
某代官至夜夢朱衣者揖曰余前令也與君同鄉有冤  
乞白備述吏某謀害故翼日檢吏名冊得其人召鞫立

服全謀皆寘辟

說鈴

毛炳入廬山講經得貲卽市酒時彭會以賦教授生徒人  
譴之曰彭生說賦茶三片毛氏傳經酒半斤

采撫言及全唐詩

黃竹坡尙書文集當時盛稱之今集不傳間有散見惟困



學紀聞賀雪表摘句尙炙人口新增

陽湖暉子居嘉慶間舟過豐城記云晉書張華傳煥爲豐城令掘獄得雙劍並刻題一曰龍泉一曰太阿使送一劍與華華報書曰詳觀劍文乃干將也莫邪何以不至越絕書楚王使歐冶子作劍三曰龍泉太阿工布吳越春秋吳王使干將作劍二曰干將莫邪晉書合之陋妄乃至於此此可証史家之失

大雲山房集

楊士奇跋胡忠簡封事藁云予近於內府檢志書見豐水志載范濬事云爲戶部檢詳時欲與胡銓相繼論奏和議胡首抗章范實懇懇之胡之遷又贖其行未嘗云此

豐城縣志

卷三十四

雜說

二十一

書范所爲也豐水志作於宋南渡後當得實不知文安何自而云然也此條於范濬傳可參一說新增

涂副使爲諸生時祈夢於九鯉湖仙祠夢入古寺花木映簾泉聲滿戶壁間有唐詩一絕云月華星彩坐來收嶽色江聲暗結愁半夜燈前十年事一時和雨到心頭旣覺悵然自分科目絕望矣越數年登進士爲御史以仙祠之夢不足信後爲廣東副使巡海至山中古寺風景依然如夢仰見所夢唐詩濃墨大字書在壁間乃惕然驚疑達旦不寐次日乃得罷官之報蓋仙祠之夢多驗於結局也類如此

東谷集



庠生吳大業家貧館穀爲生年四十餘喪妻再娶婦嫠也  
比夜婦面壁泣吳詰之婦曰適乳脹因念兒苦吳瞿然  
曰汝有子盍返婦曰君財禮盡償逋矣吳曰無慮亟呼  
隣衆遣之歸不責償且遺以粟後更娶生子起涓幼稱  
奇童及長有文名中嘉慶辛酉舉人人以爲隱德之報  
隱溪胡氏舉族皆能符籙惟恃宅古井水調硃於作土木  
鎮壓尤驗求者恒數百里外至歸則汲瓶水作供道夜  
宿符板懸木上卓地卽無效胡族寫符歲有以自給鄉  
人道其先世降神事甚恠然未可盡斥其誣也

陸元甲子堅恬淡好道順治時居教官一年卽棄去入紫

府觀爲道士晚修煉益進一日大悟自吟云雲飛山不  
動花落樹長存可謂洞識元教宗旨

新增



根據確采擇公則叅眾論而非苟同出獨  
而非立異書成人我予焉可即我訾焉亦  
不可也漢學確荒落於諸君子無能爲役  
握三寸不律以仰體 徐侯蒐羅文獻至  
敢遂謂無千慮之一得如云誣矣而信不  
博俚矣而典無可考則士林固有真鑑在  
廿七 五年四月 邑人文炳漢跋

